

პროგრამის სახელწოდება: ქართული ფილოლოგია / Georgian Philology

სწავლების ენა: ქართული

მისანიჭებელი აკადემიური ხარისხი: ფილოლოგიის ბაკალავრი /Bachelor of Philology

პროგრამის მოცულობა კრედიტებით: საბაკალავრო პროგრამა აგებულია ECTS სისტემის საფუძველზე, სტუდენტზეა ორიენტირებული და ემყარება სტუდენტის აკადემიურ დატვირთვას, რომელიც საჭიროა საგანმანათლებლო პროგრამის მიზნების მისაღწევად.

ქართული ფილოლოგიის საბაკალავრო საგანმანათლებლო პროგრამა მოიცავს 240 ECTS კრედიტს, წელიწადში – 60 კრედიტს, სემესტრში – 30 კრედიტს. შესაბამისად, საბაკალავრო საგანმანათლებლო პროგრამის სტანდარტული ხანგრძლივობა 4 წელს ანუ 8 სემესტრს შეადგენს.

სტუდენტის ინდივიდუალური დატვირთვიდან გამომდინარე, წელიწადში კრედიტების რაოდენობა შეიძლება იყოს 60-ზე ნაკლები ან მეტი, მაგრამ არა უმეტეს 75-ისა.

პროგრამის მიზნები: პროგრამა მიზნად ისახავს ქართული ენისა და ლიტერატურის სპეციალობაში დარგისთვის აუცილებელი ფართო ცოდნის მიღებას ქართული ლიტერატურის ისტორიის, ქართული ენის ისტორიის, ქართული ფოლკლორის, ქართული ლიტერატურული მიმდინარეობების, ლიტერატურათმცოდნეობის, კულტუროლოგიის, სალიტერატურო ენის ისტორიის, ლიტერატურის თეორიის, ლიტერატურული მოვლენების, პროცესების შესახებ. პროგრამა მიზნად ისახავს დარგის ძირითადი მეთოდებისა და კონცეფციების ახალი ასპექტების ცოდნის მიცემას სტუდენტისთვის. დარგისთვის აუცილებელი ცოდნის პარალელურად პროგრამა მიზნად ისახავს ფილოლოგიის ბაკალავრს შეეძლოს დარგის თეორიებისა და პრინციპების კრიტიკულად გააზრება. დარგის სწავლებით ჩამოაყალიბოს ადამიანი აღჭურვილი ანალიტიკური, კრიტიკული და კომუნიკაციური უნარებით, რაც მნიშვნელოვანია ცოდნაზე დაფუძნებული თანამედროვე საზოგადოების ჩამოყალიბებისათვის. განუვითაროს პერსონალური კარიერული მართვის კომპეტენციები, გაზარდოს სტუდენტის დასაქმების შესაძლებლობა და შემდგომი წარმატება

პროგრამაზე დაშვების წინაპირობა: ქართული ფილოლოგიის საბაკალავრო საგანმანათლებლო პროგრამაზე ჩარიცხვის უფლება აქვს სრული ზოგადი განათლების დამადასტურებელი სახელმწიფო სერტიფიკატის/ატესტატის ან მასთან გათანაბრებული დოკუმენტის მქონე საქართველოს მოქალაქე, ერთიანი ეროვნული გამოცდების შედეგების საფუძველზე.

ერთიანი ეროვნული გამოცდების გარეშე, ქართული ფილოლოგიის საბაკალავრო საგანმანათლებლო პროგრამაზე სტუდენტთა მიღება/ჩარიცხვა ხორციელდება მოქმედი კანონმდებლობის შესაბამისად.

ქართული ფილოლოგიის საბაკალავრო საგანმანათლებლო პროგრამაზე მობილობის წესით ჩარიცხვა შესაძლებელია წელიწადში ორჯერ, საქართველოს განათლებისა და მეცნიერების სამინისტროს მიერ დადგენილ ვადებში, სავალდებულო პროცედურებისა და სასწავლო უნივერსიტეტის მიერ დადგენილი წესების დაცვით.

ქართული ფილოლოგიის საბაკალავრო საგანმანათლებლო პროგრამაზე ჩარიცხვა, ან გადმოყვანის წესით ჩარიცხვა უცხო ქვეყნის აღიარებული უმაღლესი საგანმანათლებლო დაწესებულებიდან ხორციელდება საქართველოს განათლებისა და მეცნიერების სამინისტროს გადაწყვეტილების საფუძველზე.

სწავლის შედეგები:

დარგობრივი უნარები:

აქვს ცოდნა ქართული ენისა და ლიტერატურის ისტორიის, ქართული სალიტერატურო ენის ნორმებისა და განვითარების შესახებ. ასევე აქვს ქართული და მსოფლიო ლიტერატურის ისტორიის ცოდნა, მწერლობის პერიოდები, პოლიტიკურ-ეკონომიკური მოვლენები როგორც ლიტერატურული პროცესების საფუძველი, ეპოქა, ავტორი, ლიტერატურული ნაწარმოებების მხატვრული ღირებულებების საკითხები

ქართული ხალხური სიტყვიერება, ქართული მითოლოგიური პანთეონი, უძველესი ქართული წერილობითი წყაროების ისტორია, დამწერლობის სახეები, უძველესი ეპიგრაფიკული და წერილობითი წყაროები.

ქართული ენისა და ლიტერატურის ისტორიის ძირითადი საკითხების ცოდნა ქართული ლიტერატურის ისტორიული წინამძღვრების გათვალისწინებით, ისტორიული მოვლენების როგორც სიტყვიერი კულტურისა და ლიტერატურული პროცესების განვითარების შესწავლა.

ქართული ფილოსოფიური სკოლებისა და ლიტერატურული თეორიების ცოდნა, ქართული საისტორიო მწერლობა, კლასიკური ხანა, ქართული ემიგრაცია რუსეთში და კულტურული საქმიანობა, ქართულ-ევროპული ლიტერატურული ურთიერთობები და კულტურული კავშირები უძველეს ცივილიზაციებთან.

თანამედროვე ქართული სალიტერატურო ენის ცოდნა, გრამატიკის საფუძვლები, ძველი ქართული ენის გრამატიკა.

ქართული სალიტერატურო ენის ნორმების, ისტორიისა და დიალექტების ცოდნა

მას შეეძლება ქართული ლიტერატურის ისტორიისა და კრიტიკის სფეროში მიღებული ცოდნით ლიტერატურული პროცესებისა და მოვლენების შეფასება როგორც ქართული, ისე მსოფლიო ლიტერატურის კონტექსტში

დამოუკიდებელი და ჯგუფურად მუშაობის უნარი, წინასწარ განსაზღვრული გარკვეული ინსტრუქციების მიხედვით ასრულებს კვლევით სამუშაოებს.

შეუძლია ცალკეული პრობლემების მიმართ საკუთარი პოზიციის დაფიქსირება. დარგობრივი სფეროსთვის შესაფერისი ზოგიერთი გამორჩეული მეთოდებისა და ეთიკური ნორმების გამოყენების შესაძლებლობა პრობლემების გადასაჭრელად.

ქართული ენისა და ლიტერატურის განვითარების ისტორიისა და თეორიის ცოდნის კვალიფიციურად გამოყენების უნარი, რომ შეძლოს მიღებული ცოდნა შეუსაბამოს პრაქტიკულ სიტუაციას.

ქართული ლიტერატურის მსოფლიო ლიტერატურული მოვლენების პარალელურად განვითარების ასპექტების გააზრება.

ზოგადი კომპეტენციები:

მას შეეძლება ენა- ლიტერატურასთან დაკავშირებული საკითხების გარშემო დამოუკიდებლად მოიძიოს მონაცემები და გააანალიზოს მიღებული ინფორმაცია

კურსდამთავრებულს შეეძლება ქართული ენისა და ლიტერატურის გარშემო სამეცნიერო ლიტერატურის (ბიბლიოგრაფიები, დოკუმენტები, ვებგვერდები, წყაროები) დამუშავება და სათანადოდ დასაბუთებული დასკვნების ჩამოყალიბება.

მიიღოს გადაწყვეტილება დარგთან დაკავშირებულ სხვადასხვა საკითხზე, სიახლესა და მათი გამოყენების მეთოდებზე, შეძლოს სათანადოდ ორიენტირება მცირედი მეთვალყურეობის ფარგლებში.

შეეძლება კომუნიკაცია მშობლიურ ენაზე, იდეებისა და ინფორმაციის თანმიმდევრულად გადაცემა სპეციალისტებისა და არასპეციალისტებისათვის, არსებული პრობლემებისა და მათი გადაჭრის გზების შესახებ დეტალური წერილობითი ანგარიშების მომზადება და სპეციალისტებისა და არასპეციალისტებისათვის ზეპირად გადაცემა.

აღნიშნული პროგრამის დასრულების შემდეგ სტუდენტი სასწავლებელთან არსებული საინფორმაციო ტექნოლოგიების დახმარებით თავისუფლად დაეუფლება თანამედროვე საინფორმაციო და საკომუნიკაციო საშუალებებს და შეძლებს მათ მრავალმხრივად გამოყენებას.

შეეძლება კომუნიკაცია უცხო ენაზე B2 დონე, შეეძლება პროფესიასთან დაკავშირებული ინფორმაციის გადაცემა როგორც სპეციალისტებისათვის, ასევე დარგის არასპეციალისტებისათვის.

შეეძლება საკუთარი სწავლის პროცესების დამოუკიდებლად მართვა და სწავლის შემდგომი გაგრძელებისთვის საჭირო გზების მოძიება

შეუძლია გააანალიზოს და დამოუკიდებლად გაიღრმავოს ცოდნა სათანადო ინფორმაციის წყაროების მოძიებით

ახალი საზოგადოებრივი ღირებულებების ჩამოყალიბება–ფორმირებაში მონაწილეობისთვის საჭირო უნარ–ჩვევების ფლობა და ასევე მათ დასამკვიდრებლად სწრაფვა.

პროფესიულ საქმიანობასთან დაკავშირებულ და დამახასიათებელ ღირებულებებთან თავისი და სხვათა დამოკიდებულების შეფასება და სხვებისთვის გაზიარება.

სტუდენტთა ცოდნის შეფასების სისტემა:

ქართული ფილოლოგიის საბაკალავრო საგანმანათლებლო პროგრამით გათვალისწინებული სასწავლო კურსების დაუფლება სწავლების პროცესში სტუდენტთა აქტიურ მონაწილეობას ითვალისწინებს და შემენილი ცოდნის უწყვეტი შეფასების პრინციპს ეფუძნება.

ქართული ფილოლოგიის საბაკალავრო საგანმანათლებლო პროგრამის განხორციელებისას სტუდენტის სწავლის შედეგის მიღწევის დონე ფასდება „უმაღლესი საგანმანათლებლო პროგრამების კრედიტებით გაანგარიშების წესის შესახებ“ საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დამტკიცებული შეფასების სისტემის შესაბამისად.

ქართული ფილოლოგიის საბაკალავრო საგანმანათლებლო პროგრამის სასწავლო კურსებში სტუდენტის სწავლის შედეგის მიღწევის დონის შეფასება მოიცავს შეფასების ფორმებს - შუალედურ და დასკვნით შეფასებას, რომელთა ჯამი წარმოადგენს საბოლოო შეფასებას (100 ქულა).

შუალედური და დასკვნითი შეფასება (შეფასების ფორმები) მოიცავს შეფასების კომპონენტს/კომპონენტებს, რომელიც განსაზღვრავს სტუდენტის ცოდნის ან/და უნარის ან/და კომპეტენციების შეფასების ხერხს/ხერხებს (ზეპირი/წერიტი გამოცდა, ზეპირი/წერიტი გამოკითხვა, საშინაო დავალება, პრაქტიკული/თეორიული სამუშაო და სხვ.). შეფასების კომპონენტი აერთიანებს შეფასების ერთგვაროვან მეთოდებს (ტესტი, ესე/ესეი, დემონსტრირება, პრეზენტაცია, დისკუსია, პრაქტიკული/თეორიული დავალების შესრულება, სამუშაო ჯგუფში მუშაობა, დისკუსიაში მონაწილეობა, რეფერატი, წერილობითი დავალება და სხვ). შეფასების მეთოდი/მეთოდები იზომება შეფასების კრიტერიუმებით ანუ შეფასების მეთოდის საზომი ერთეულით, რითაც დგინდება სწავლის შედეგების მიღწევის დონე.

შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი საბოლოო შეფასებაში, რაც აისახება კონკრეტულ სილაბუსში და ეცნობება სტუდენტს სასწავლო სემესტრის დასაწყისში.

დაუშვებელია კრედიტის მინიჭება შეფასების მხოლოდ ერთი ფორმის (შუალედური ან დასკვნითი შეფასება) გამოყენებით. სტუდენტს კრედიტი ენიჭება მხოლოდ დადებითი შეფასების მიღების შემთხვევაში.

შუალედური და დასკვნითი შეფასების კომპონენტების მინიმალური კომპეტენციის ზღვარი არ უნდა აღმატებოდეს შუალედური შეფასებების 60 %-ს და დასკვნითი გამოცდის 60%-ს. ქართული ფილოლოგიის საბაკალავრო საგანმანათლებლო პროგრამის განხორციელებისას სტუდენტის შუალედური და დასკვნითი შეფასების მინიმალური კომპეტენციის ზღვარის ხვედრითი წილი აისახება კონკრეტულ სილაბუსში და ეცნობება სტუდენტს სასწავლო სემესტრის დასაწყისში.

შეფასების სისტემა უშვებს:

ხუთი სახის დადებით შეფასებას:

- (A) ფრიადი – შეფასების 91-100 ქულა;
- (B) ძალიან კარგი – მაქსიმალური შეფასების 81-90 ქულა;
- (C) კარგი – მაქსიმალური შეფასების 71-80 ქულა;
- (D) დამაკმაყოფილებელი – მაქსიმალური შეფასების 61-70 ქულა;
- (E) საკმარისი – მაქსიმალური შეფასების 51-60 ქულა.

ორი სახის უარყოფით შეფასებას:

(FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

(F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებულ სამუშაო არ არის საკმარისი და მას საგანი ახლიდან აქვს შესასწავლი.

ქართული ფილოლოგიის საბაკალავრო საგანმანათლებლო პროგრამის სასწავლო კურსში, FX-ის მიღების შემთხვევაში დამატებითი გამოცდა დაინიშნება დასკვნითი გამოცდის შედეგების გამოცხადებიდან არანაკლებ 5 კალენდარულ დღეში. სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის სასწავლო კურსის საბოლოო შეფასებაში. დამატებით გამოცდაზე მიღებული შეფასების გათვალისწინებით საგანმანათლებლო კომპონენტის საბოლოო შეფასებაში 0-50 ქულის მიღების შემთხვევაში, სტუდენტს უფორმდება შეფასება F-0 ქულა.

დასაქმების სფეროები:

აღნიშნული პროგრამის კურსდამთავრებული შეიძლება დასაქმდეს არქივებში, მუზეუმებში, მასმედიასა და სამეცნიერო-კვლევით დაწესებულებებში.

სწავლის გაგრძელების შესაძლებლობა:

ქართული ფილოლოგიის საბაკალავრო საგანმანათლებლო პროგრამის კურსდამთავრებული უფლებამოსილია, სწავლა განაგრძოს საქართველოს ან სხვა ქვეყნების უმაღლეს საგანმანათლებლო დაწესებულებებში ფილოლოგიის მიმართულების სამაგისტრო პროგრამაზე, რომელიც ორიენტირებულია შემდგომი დონის სპეციალისტისა და მკვლევარის მომზადებაზე.

კურსდამთავრებულს ასევე შეუძლია სწავლა გააგრძელოს ნებისმიერი მიმართულების სამაგისტრო პროგრამაზე, თუ ამ პროგრამაზე მიღების წინაპირობა არ არის შეზღუდული სხვა სპეციალობის ბაკალავრის აკადემიური ხარისხით.

პროგრამის სტრუქტურა:

ქართული ფილოლოგიის საბაკალავრო საგანმანათლებლო პროგრამის სასწავლო კურსები მოიცავს:

45 კრედიტი - საუნივერსიტეტო სასწავლო კურსები, აქედან 40 კრედიტია სავალდებულო და 5 კრედიტია არჩევითი 25 კრედიტიდან.

ძირითადი სპეციალობის (major) სასწავლო კურსები 120 კრედიტი, რომელიც წარმოდგენილია სამი მოდულისა (ქართული ლიტერატურის ისტორიის, ქართული ენის გრამატიკის საფუძვლების, მსოფლიო ლიტერატურის ისტორიის) და ცალკეული სასწავლო კურსების სახით

ძირითადი სპეციალობის არჩევითი სასწავლო კურსების 15 კრედიტი

დამატებითი სპეციალობა (minor) 60 კრედიტი

სტუდენტს ეძლევა საშუალება თავისი სასწავლო პროგრამა მოაწყოს:

180 (საუნივერსიტეტო 45 კრედიტი, ძირითადი (major) საგნების 120 კრედიტი ძირითადი სპეციალობის სავალდებულო და 15 ძირითადი სპეციალობის არჩევითი სასწავლო კურსებიდან აღებული კრედიტი) და minor (60 კრედიტის) სახით;

ან

180 (საუნივერსიტეტო 45 კრედიტი, ძირითადი (major) საგნების 120 კრედიტი ძირითადი სპეციალობის სავალდებულო და 15 კრედიტი სპეციალობის არჩევითი კრედიტები) და 60 კრედიტი თავისუფალი